

Sveučilište/Univerzitet "VITEZ"



**PRAVNI FAKULTET**

**GODIŠNJAK  
AKTIVNOSTI**

**AKADEMSKA 2021/2022.GODINA**

Travnik, 2023.

**SVEUČILIŠTE / UNIVERZITET "VITEZ"  
PRAVNI FAKULTET**



**GODIŠNJAK AKTIVNOSTI  
PRAVNOG FAKULTETA  
za akademsku 2021/22.godinu**

**TRAVNIK, 2023.**

---

**GODIŠNJAK AKTIVNOSTI PRAVNOG FAKULTETA za akademsku  
2021/2022. godinu**

---

**Izdavač**

**Sveučilište/Univerzitet "VITEZ" Vitez  
Školska 23, Travnik  
+387 30 509 - 750  
info@unvi.edu.ba  
www.unvi.edu.ba**

**Za izdavača**

prof.dr.sc. Mirko Puljić, rektor Sveučilišta/Univerziteta "VITEZ"

**Glavni urednik Godišnjaka:**

prof. dr. sc. Goran Šimić

**Redakcija Godišnjaka:**

prof. dr. sc. Goran Šimić  
mr. Tanja Bavrka

**Lektor**

**Tehnička obrada i dizajn**

Amra Sušić, dipl. iur.

## UVODNA RIJEČ DEKANA



Pravni fakultet Sveučilišta/Univerziteta "VITEZ" je visokoškolska institucija koja pruža obrazovanje u oblasti pravnih nauka i prakse prema najvišim akademskim i stručnim standardima, te se bavi naučnim i stručnim radom. Naši programi su odraz pažljivog promišljanja o društvenim tokovima, trendovima i potrebama naših studenata i društva u cjelini. Oni odražavaju suvremene trendove i dostignuća u oblasti pravnih nauka i prakse, te studentima koji uspješno završe neki od naših studijskih programa omogućavaju uspješno uključivanje u društvene i životne tokove kako u našoj zemlji, tako i u inostranstvu.

Naša naučna i stručna djelatnost je usmjerena prema stvaranju boljih društvenih uvjeta u zajednici kojoj pripadamo, ali i ljudskog društva u cjelini, koje tek treba stvoriti društva ravnopravnih i sretnih ljudi, odgovornih sebi, drugim ljudima i prema svijetu koji ih okružuje.

Osim nastave koju izvode vrhunski nastavnici, u cilju što kvalitetnijeg osposobljavanja naših studenata, nudimo i više od toga. Od ekskluzivnih programa predavanja vrhunskih svjetskih stručnjaka, preko suradnje sa domaćim institucijama do mogućnosti studiranja na prestižnim europskim fakultetima u okviru studentske razmjene, studenti na našem fakultetu mogu biti uključeni u niz aktivnosti koje imaju samo jedan cilj: pružiti studentima najbolji mogući studijski program.

Potpuno smo svjesni da naš fakultet uvijek može biti bolji, i tome smo posvećeni svaki dan, mjesec, akademsku godinu. U tome procesu, rad nastavnika i osoblja fakulteta se kontinuirano unaprjeđuje, a studenti se potiču na aktivno učešće u nastavi i usvajanje znanja i vještina. Uz podršku velikog broja vrhunskih stručnjaka koji su povezani sa našim fakultetom, konačni cilj ovakvih aktivnosti je stvaranje institucije koja će u svome radu primjenjivati najviše standarde.

Godišnjak aktivnosti Pravnog fakulteta ima za cilj predstaviti rad i aktivnosti koje je tokom akademske 2021/2022. godine fakultet poduzimao ostvarujući svoju viziju i ciljeve. Napredujući kontinuirano i sa svakom novom akademskog godinom, fakultet, zajedno sa Sveučilištem/Univerzitetom "VITEZ", postaje mjesto akademske izvrsnosti i rada na najvišem akademskom nivou.

*Dekan Pravnog fakulteta*

*Prof. dr. sc. Goran Šimić*

## ODRŽAN SVEČANI SAT ZA NOVE STUDENTE SVEUČILIŠTA/UNIVERZITETA “VITEZ“

Prigodnim obraćanjima i podjelom indeksa na Svečanom satu za bruce, dana 2. 10. 2021. godine, zvanično je obilježen početak nove akademske 2021/2022. godine na Sveučilištu/Univerzitetu “VITEZ“.

Riječi dobrodošlice novim studentima uputio je prof.dr.sc. Emir Sudžuka, prorektor Sveučilišta, a studentima Pravnog fakulteta obratio se dekan, prof.dr.sc. Goran Šimić.



## U ORGANIZACIJI VELEUČILIŠTA “LAVOSLAV RUŽIČKA“ U VUKOVARU ODRŽAN ERASMUS+ TEACHING STAFF WEEK 2021

Međunarodni tjedan nastavnog osoblja “I. VEVU Erasmus+ International Teaching Staff Week“ u Vukovaru, od 11. do 15. oktobra 2021. godine, po prvi put je organizirala naša partnerska ustanova, Veleučilište “Lavoslav Ružička“. Tokom ove međunarodne aktivnosti Veleučilište je ugostilo predstavnike 13 partnerskih ustanova, odnosno profesore različitih naučnih profila i područja, iz raznih dijelova Evrope i šire. Učesnik i predavač na Staff Weeku bio je i profesor Sveučilišta/Univerziteta “VITEZ“: doc. dr. sc. Adnan Pirić - profesor Pravnog fakulteta. Ovaj petodnevni događaj u Vukovaru, osim predavanja profesora, uključivao je radionice, prezentacije, te aktivno učešće domaćih eksperata, ali i međunarodnih partnera. Riječ je o programu s fokusom na procese internacionalizacije univerziteta, koji uključuje i društvene i kulturne aktivnosti.



## OKRUGLI STO SA NAZIVOM “NISI SAMA, RECI NE NASILJU“

Povodom obilježavanja Međunarodnog dana borbe protiv nasilja nad ženama, Institut i Pravni fakultet Sveučilišta/Univerziteta “VITEZ“, dana 24.11.2021. godine, organizirali su Okrugli sto pod nazivom “Nisi sama, reci NE nasilju“. O problemu zlostavljanja žena u Bosni i Hercegovini govorile su: Lejla Heremić, socijalna pedagoginja i porodična savjetnica u Sigurnoj kući Medica Zenica; profesorica sociologije Lejla Zukan; Kalila Hrgić predstavnica MUP SBK/KSB; direktorica JU Zavod za bolesti ovisnosti KS doc. dr.sc. Rasema Okić, te predstavnice Centra za socijalni rad Travnik Ivana Matošević i Sabina Malanović.



## GOSTOVANJE DEKANA PRAVNOG FAKULTETA, PROF.DR.SC. GORANA ŠIMIĆA NA N1 TELEVIZIJI

Na N1 televiziji, u 20h gost je bio dekan Pravnog fakulteta Sveučilišta/Univerziteta "VITEZ". Ekskluzivno je najavio objavljivanje i prezentaciju međunarodne baze podataka o suđenjima za ratne zločine, kao prvi i jedini projekat ove vrste u kojem učestvuju Ujedinjeni narodi.



## USVAJANJEM VJEŠTINA DEBATIRANJA I JAVNOG NASTUPA DO BOLJE PROFESIONALNE BUDUĆNOSTI ZA STUDENTE PRAVNIH FAKULTETA

VSTVBIH je u sklopu projekta „Izgradnja efikasnog pravosuđa u službi građana“ kojeg finansira #EU organizovao i posljednju dvodnevnu radionicu sa studentima pravnih fakulteta, posvećenu unapređenju vještina debatiranja i javnog nastupa, te na ovaj način okončao rad sa studentima planiran za ovu godinu.

Učesnici radionice su bili studenti Pravnog fakulteta Sveučilišta u Mostaru i Pravnog fakulteta Sveučilišta "Vitez". Predstavnici Sveučilišta bili su studenti Alden Mujanović i Amra Sušić.

A koliko su studenti zadovoljni sa organizacijom i znanjem koje su stekli tokom radionica možete pročitati na <https://vstv.pravosudje.ba/vstvfo/B/141/article/107068>



## ODRŽANA PREZENTACIJA PROJEKTA IZRADNE MEĐUNARODNE BAZE PODATAKA O SUĐENJIMA ZA RATNE ZLOČINE - WAR CRIMES TRIALS DATABASE PROJECT

Projekt je nastao u saradnji Pravnog fakulteta Sveučilišta/Univerziteta "VITEZ", WASEDA University iz Japana, te Međunarodnog rezidualnog mehanizma za krivične sudove i Visokog sudskog i tužilačkog vijeća BiH. Nakon inspirativnih obraćanja gostiju, uživo i putem video linka, sa posebnim naglaskom na obraćanje predsjednika MRMKS - suca Carmela Agiusa, projekt je prezentirao dekan Pravnog fakulteta Sveučilišta/Univerziteta "VITEZ", prof.dr.sc. Goran Šimić.



## POTPISAN SPORAZUM O SURADNJI SA VSTV – 29.11.2021.

Stalni član VSTV-a BiH Sanin Bogunić potpisao je, u ime VSTV-a BiH, Sporazum o saradnji između VSTV-a BiH i Pravnog fakulteta Sveučilišta/Univerziteta „Vitez“ na Projektu izrade baze pravosnažnih predmeta ratnih zločina „The War Crimes Trials Database - WCTD“, realizovanog u saradnji sa Vladom Japana i Waseda Univerzitetom iz Tokija, uz podršku VSTV-a BiH i Međunarodnog rezidualnog mehanizma za krivične sudove (MICT).

Sporazum se odnosi na razmjenu svih pravosnažnih presuda u predmetima ratnih zločina počinjenih na teritoriji Bosne i Hercegovine. Tako će VSTV BiH će za potrebe Projekta izrade baze pravosnažnih predmeta ratnih zločina WCTD osigurati dostavu pravosnažnih presuda u predmetima ratnih zločina sa kojima raspolaže, kao i prvostepenih presuda i drugih materijala koji mogu poslužiti za unos podataka u bazu.

VSTV BiH će ustupljeni sadržaj odluka, dostavljenih od strane WCTD projekta, koristiti za unaprjeđenje informacija koje se nalaze u Mapi ratnih zločina i Bazi sudskih odluka VSTV-a BiH.



## NAGRADNI NATJEČAJ, #RECINEKORUPCIJI

Bilo je potrebno kreirati plakat ili baner za društvene mreže s porukom #reciNEkorupciji. Međunarodni dan borbe protiv korupcije obilježava se 9.12. i njime se nastoje istaknuti prava i odgovornosti svih - uključujući države, vladine dužnosnike, državne službenike, , predstavnike medija, privatni sektor, civilno društvo, akademsku zajednicu, javnost i mlade - u borbi protiv korupcije. Natječaj je bio namijenjen za studente i učenike srednjih škola s područja cijele Bosne i Hercegovine.

Pobjednik nagradnog natječaja #reciNEkorupciji je bila Ajla Karić.

Nagrada koju je osvojila je knjiga “Kriminalistički i krivično procesni aspekti otkrivanja, razjašnjavanja i dokazivanja koruptivnih krivičnih djela“, doc.dr.sc. Adnan Pirića.



## PREDAVANJA - TRGOVINA LJUDIMA


U organizaciji Sveučilišta "VITEZ" i WORLD VISION – a organizirana predavanja na temu trgovine ljudima – human trafficking.

Predavanjima su prisustvovali predstavnici pravosudnih institucija, policijskih struktura, profesori i asistenti na fakultetima, kao i studenti Sveučilišta "VITEZ", koji su aktivno učestvovali u diskusijama sa predavačima.



## OBJAVLJEN ZBORNİK RADOVA PRAVNOG FAKULTETA

Objava elektronskog - online izdanja 7. broja Zbornika radova Pravnog fakulteta Sveučilišta/Univerziteta "VITEZ", 31.12.2021.godine.



## TRANZICIJSKA PRAVDA - OTVORENA PREDAVANJA

Predavanja dekana Pravnog fakulteta Sveučilišta/Univerziteta "VITEZ", prof.dr.sc. Gorana Šimića, za studente II. ciklusa studija - predmet Tranzicijska pravda, bila su otvorenog karaktera.

Predavanjima su mogli pristupiti svi zainteresirani, putem Google Meets platforme, a sve s ciljem davanja doprinosa širenju znanja o procesima koji su od esencijalne vrijednosti za budućnost Bosne i Hercegovine.



## HUMANITY IN ACTION

Humanity in Action BiH ponovno organizuje projekat pod nazivom "Gamifying EU Realities in BiH: Board Games Paving Ways to Youth Engagement in EU-related Matters in BiH" uz podršku Evropske unije u Bosni i Hercegovini i British Council Bosnia and Herzegovina, unutar programa "EU Scheme for Young Professionals in BiH". Program je fokusiran na edukaciju mladih u BiH o Evropskoj Uniji, relevantnim EU procesima i EU integracijama u BiH u kontekstu građanskih i demokratskih angažmana mladih u lokalnim zajednicama i u drugim sferama kreiranja javnih politika kroz društvene igre.

Fondacija Humanity in Action BiH već deset godina uz finansijsku podršku National Endowment for Democracy aktivno implementira program "Poticanje demokratskih vrijednosti i aktivnog građanstva među mladima".

U programu je učestvovala i studentica I godine Pravnog fakulteta Ines Dedić, koja je boravila na devetodnevnom treningu u Sarajevu u decembru 2021. godine, te je sa studentima - budućim učesnicima podijelila svoje iskustvo.

"Već nakon par dana sam stekla nova iskustva, susrela se sa mnogim temama koje su nam od velikog značaja u našim svakodnevnici, kao što je „ŽIVOT U “INKLUZIVNOM” BH DRUŠTVU“. Također, imali smo priliku slušati o presudama suda za ljudska prava i implikacijama na BiH, trenutnim izazovima BiH demokratije, o borbi za prava “nevidljivih” grupa u bh društvu itd.“



## PROF.DR.SC. GORAN ŠIMIĆ NA LIBERTY TV

Dekan Pravnog fakulteta, prof.dr.sc. Goran Šimić, bio je gost TV Liberty: Trideseta godišnjica početka rata u BiH - Radio Slobodna Evropa.



## DEKAN PRAVNOG FAKULTETA, PROF.DR.SC. GORAN ŠIMIĆ IZLAGAČ NA MEĐUNARODNOJ ZNANSTVENOJ KONFERENCIJI

Dekan Pravnog fakulteta Sveučilišta/Univerziteta "VITEZ", prof.dr. Goran Šimić bio je izlagač na međunarodnoj znanstvenoj konferenciji u organizaciji Univerziteta u Szczecinu u Poljskoj, pod nazivom "The Polish Constitution in the european context; 25 years of the Constitution of the Third Republic of Poland and 15 years of the Treaty of Lisbon", 25.4.2022.godine.


Teme konferencije: odnosi nacionalnog prava i prava EU, institucionalne promjene u EU, pravci razvitka EU.

Prof.dr. Šimić prezentirao je rad na temu: "The European Union bought weapons for Ukraine (2022) not for Bosnia and Herzegovina (1992)".



## GOSTUJUĆE PREDAVANJE – PROF. KRZYSZTOF WESOŁOWSKI SA UNIVERZITETA U SZCZECINU

U četvrtak 05.05.2022. godine sa početkom u 11 sati gostujući profesor Krzysztof Wesołowski sa Univerziteta u Szczecinu održao je otvoreno predavanje na temu “Passenger Protection in EU Law” u prostorijama Sveučilišta/Univerziteta “VITEZ”.



## UČEŠĆE NA KONFERENCIJI SKEI 2022

VII. međunarodna naučno - stručna studentska konferencija SKEI 2022. održana je u organizaciji Veleučilišta "Lavoslav Ružička" Vukovar. Student Pravnog fakulteta, Bojan Petrović je u suradnji s mentorom pripremio rad i učestvovao u razmjeni znanja i iskustava, te uspostavio nove kontakte.



## PREDAVANJA PROF.DR.SC. GORANA ŠIMIĆA NA UNIVERZITETU U SZCZECINU

Dekan Pravnog fakulteta Sveučilišta/Univerziteta "VITEZ", prof.dr.sc. Goran Šimić, će u svojstvu nedavno izabranog gostujućeg profesora, na Univerzitetu u Szczecinu u Poljskoj, održati predavanja u okviru predmeta "Tranzicijska pravda".



## GOSTUJUĆE PREDAVANJE – ANDY AYDIN - AITCHINSON

Predavač: Andy Aydın-Aitchison, PhD - profesor kriminologije na The University of Edinburgh, Edinburgh School of Law

Tema: "Polijsko djelovanje, demokratija i ljudska prava", (Policing, Democracy and Human rights).

Sveučilište/Univerzitet "VITEZ"  
PRAVNI FAKULTET

Gostujuće predavanje

**"POLICIJSKO DJELOVANJE,  
DEMOKRATIJA I LJUDSKA  
PRAVA"**

Predavač: Andy Aydın-Aitchison, PhD  
University of Edinburgh, Škotska

20.05.2022. u 16h  
Google Meets

## ERASMUS+ POSJETA VELEUČILIŠTU "LAVOSLAV RUŽIČKA" U VUKOVARU

Na Veleučilištu "Lavoslav Ružička" (Vukovar) sa kojim Sveučilište/Univerzitet "VITEZ" ima dugogodišnju saradnju u Erasmus+ projektu mobilnosti profesora boravili su profesori Pravnog fakulteta: doc.dr.sc. Bojana Link, doc.dr. Mirza Čaušević i doc.dr.sc. Senad Hasanspahić.

Dogovoren je nastavak projekta mobilnosti studenata, nastavnika i neakademskog osoblja u akademskoj 2022/2023. godini, te zajedničko učešće u projektima jačanja kapaciteta visokoškolskih ustanova.



## ONLINE PREDAVANJE O KORIŠTENJU PRAVNE BAZE HeinOnline

HeinOnline je najveća pravna baza na svijetu u kojoj je indeksiran i Zbornik radova Pravnog fakulteta Sveučilišta.

Studentima, profesorima, asistentima i saradnicima Sveučilišta bilo je omogućeno besplatno korištenje baze #HeinOnline sa računara na Sveučilištu do 31.8.2022.godine.



## LJETNA ŠKOLA: „MIGRATION AND HUMAN RIGHTS LAW“

Ljetna škola: „Migration and human rights law“ održana je od 20-23.6.2022. Organizatori: Pravni fakultet Sveučilišta/Univerziteta "VITEZ", u saradnji sa Univerzitetom u Szczecinu (Poljska) Predavači: stručnjaci iz oblasti migracijskog prava sa više sveučilišta & dr.sc. Srđan Vujović, docent na Pravnom fakultetu Sveučilišta "VITEZ" Predavanja su se održavala na engleskom jeziku, putem Microsoft Teams platforme. Učešće je bilo besplatno.




## POSJETA STUDENATA KANTONALNOM TUŽILAŠTVU SBK/KSB

Dana 27.06.2022. godine, Kantonalno tužilaštvo Srednjobosanskog posjetili su studenti Pravnog fakulteta Sveučilišta/Univerziteta "VITEZ", u okviru projekta Visokog sudskog i tužilačkog vijeća Bosne i Hercegovine "Podrška pravosuđu u Bosni i Hercegovini – Jačanje uloge tužilaca u sistemu krivičnog pravosuđa“, podržanog od strane vlade Švicarske.

Organizaciju posjete koordinirao je dr.sc. Adnan Pirić, docent na užoj krivično-pravnoj naučnoj oblasti. Studente su primili glavni kantonalni tužilac mr. sc. Šemsudin Fuško, koji je studente upoznao sa strukturom, nadležnostima i aktivnostima Kantonalnog tužilaštva Srednjobosanskog kantona, kao i sa svakodnevnim radom Tužilaštva, te zamjenik glavnog kantonalnog tužioca Dragan Popović.

Studenti su imali priliku postavljati pitanja vezano za sam rad Tužilaštva.

Kantonalno tužilaštvo Srednjobosanskog kantona i Pravni fakultet Sveučilišta/Univerziteta "VITEZ" su na ovaj način iskazali spremnost ulaganja u praktičnu edukaciju studenata kroz spajanje pravne teorije i prakse.



## PHARMAMED TRAVNIK NOĆNA UTRKA

Pharmamed Travnik noćna utrka tradicionalno održana je peti put u Travniku, kao ovogodišnja najbrojnija petokilometarska utrka u Bosni i Hercegovini. U utrci su sudjelovali i studenti, akademsko osoblje, pa čak i administrativno osoblje Sveučilišta/Univerziteta "VITEZ", a zavidan rezultat je ostvario doc.dr.sc. Adnan Pirić, profesor na Pravnom fakultetu sa vremenom 00:26:53.



## PROMOCIJA XIII. GENERACIJU DIPLOMANATA I XI. GENERACIJU MAGISTRANATA

Sveučilište/Univerzitet "Vitez" promoviralo je 13. generaciju diplomanata i 11. generaciju magistranata. Promovirano je 19 diplomanata i 3 magistranata na Pravnom fakultetu Sveučilišta/Univerziteta "Vitez". Uručena su i priznanja i zahvalnice pojedincima i institucijama sa kojima je sveučilišta ostvarilo dobru suradnju, a posebno priznanje je dobio i dekan Pravnog fakulteta, prof.dr.sc. Goran Šimić, za doprinos razvitku Sveučilišta na polju međunarodne suradnje.



POKRENUTA KAMPANJA: “NIJE VAŽNO JESI LI JAVNO ILI  
PRIVATNO SVEUČILIŠTE. NIJE VAŽNO JESI LI MALO  
SVEUČILIŠTE ILI VELIKO. VAŽNO JE S KIM SI U DRUŠTVU”

## SVEUČILIŠTE/UNIVERZITET “VITEZ”



UJEDINJENE NACIJE  
Međunarodni rezidualni mehanizam za krivične sudove



NORTH DAKOTA



UNIVERSITY OF  
CAMBRIDGE



MICHIGAN STATE  
UNIVERSITY



WASEDA  
University



Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савјет Босне и Херцеговине  
High Judicial and Prosecutorial Council of Bosnia and Herzegovina



## OKONČAN JOŠ JEDAN CIKLUS ACIP PREDAVANJA MRMKSJ - IRMCT

Studenti Pravnog fakulteta Sveučilišta/Univerziteta "VITEZ" su i u akademskoj 2021/2022.godini bili studenti jedinog privatnog pravnog fakulteta iz Bosne i Hercegovine, koji su imali čast učestvovati u ACIP programu MRMKSJ.

Svoje učešće u programu zaokružili su sjajnim druženjem u Etno selu "ČARDACT".

